

PAPAKILO [Hawaiian Newspapers Collection](#) [Menu](#) ▾[Translate](#)  
www.welch.org[Ka Nupepa Kuokoa](#) / [26 May 1894](#) / [Ke Aloha Aina Oiaio](#).Ka Nupepa Kuokoa, Volume XXXIII, Number 21, 26 May 1894 —  
Ke Aloha Aina Oiaio. [ARTICLE][Back](#)***Ke Aloha Aina Oiaio.***

Heaha ke aloha aina oiaio? Oia no ka manao kupaa o ke kanaka e hookauwa a e kakoo i kona aina kulaiwi me kona ikaika a pau e hoolomua. Aole kela he olelo ano hou, aka ua hookumu pu ia me ka honua. Aole he kanaka i nele ia huawina o ke aloha i kona aina, a koe nae na poe noonoo ole e hele auwana ana. Hanau ke kanaka mua loa, hanau pu me ke aloha aina.

Aole he aina ma kela ili honua i hoonele ia me na kanaka aloha aina, aole hoi he lahui i nele ka pilipaa o ko lakou aloha no ko lakou aina,

aka he like ole ke kulana o na kanaka a pau, a pela pu no hoi me ka lahui. He oi ke aloha aina o kekahi mamua o kekahi, oia hoi, ua hiki ke hoohalike ia ke aloha aina ma na degere. Aia no iloko o kekahi lahui kekahi mea i oi pakela ae kona aloha i kona aina a me kona lahui mamua o na mea a pau. O ke aloha aina oiaio, aole ma ka waha wale no, aole hoi ma na hana hookamani, aka ua hookumu ia mai ka puuwai mai. Oia kanaka, aole e pau kona aloha aina, aia wale no a hemo kona puuwai a kaawale mai kona kino aku.

Aole e kohu ke aloha aina i ke kane a wahine o noho haukae a e haibai ana i na kanawai o ka aina, a e hoohaukae ana hoi i ka inoa maemae o ka lahui, he lapuwale a he hookamani wale iho no kona aloha aina. Oia ano kanaka, aole hiki ke hoohaumia ia ka inoa laahia

O ke aiona aina maluna oia.

O ke kanaka a wahine e noho ana iioke o na hana pono ole o keia ao, e ulupuni mau ia ana kona uhane e ke daimonio ekaeka loa o ka lepo a me na ino e ae i haalele mai ka noonoo maikai iaia, e puka mau ana na olelo haahaa ma kona lehelehe, e hooipo ana na manao lapuwale ma kona puuwai, e hoihoi ole ana i na hana maikai, a e hoolilo mau ana i kona manawa me na auna o ka poe lapuwale, he pahenehene a he hoolihila i ka inoa aloha aina ke kapa ia iaia.

O ke aha ke aloha aina oiaio? Oia no ke kane a wahine i ao pono ia, e noho maemae ana, i hoowahawaha i ke anaina o na poe lapuwale, i puni ole i na hana ekaeka, i maemae ka puuwai me na manao maikai, e noho hoopono ana me ka malama pono i na kanawai o ka aina a me ke ke Akua, e hana ana i na

hana e hoowaia ole ai i ka inoa maemae o ka lahui a me ka aina, e hoolomua ana i na pono o ka aina, a maluna o na mea a pau, o ke kane a wahine i paulehia o malama pono i ka ihiihi o kona kulana—oia ke aloha aina oiaio. Ma kau mau hana e ike ia ai oe. Ina lapuwale ka hana, lapuwale ke kulana; maikai ka hana, hanohano ke kulana, aala ka inoa, maemae ka puuwai ka home oiaio o ke aloha aina.

Eia ka Daniela Webster, kekahi loea kalaiaina kaulana o Amerika Huipuia, i olelo ai no ke aloha aina oiaio: "O ke aloha aina (patriotism), oia ka paulehia ana o ka manao e hoolomua i na pomaikai o kou aina."

Ina o ka hoohui me Amerika ka puuhonua e pomaikai ai ka lahui, pau na kua kuloko a holomua ka aina, o ke aloha aina oiaio ka hoohui aku me Amerika Huipuia. Ina

noi ne mea e pino mau ai ka lahui  
a me ka aina malalo o ke aupuni  
moi, he hana kumakaia ka hoomau  
aku ma ia kulana pino. Ua hoo-  
maopopo ka lahui i ka nui o na po-  
ino malalo o na alii, he aloha aina  
oialo ka hohui aku me Amerika  
Huipua.

---

This article has been automatically clipped from the Ka Nupepa Kuokoa 26 May 1894, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).

---